



Claudii Fleurii Abbatis Historia Ecclesiastica

Ab anno Christi 1551. usque ad annum 1553

Fleury, Claude

August. Vind. [u.a.], 1771

VD18 90118561

§. 94. Pax firmata fine ulla Franciæ Regis habita ratione.

[urn:nbn:de:hbz:466:1-66577](#)

eo adigebat, ut hic ipsum tanquam perdu- **Sæcul XVI.**
ellem, ac seditiosum ab Imperio prosciri- **A. C. 1552.**
beret.

§. XCIV.

Pax firmata sine ulla Franciæ Regis habita ratione.

Non minus quam Brandenburgicus E- *Thuan. l. 10.*
lector, ipse etiam Joannes Fresnius,
seu Fraxineus Bajocensis Episcopus in-
dignabatur, eo quod in hac pace ferme
nulla Regis Franciæ Domini sui ratio
fuerit habita, quapropter Episcopus de
hoc contemptu, gravique injuria que-
stus in Gallias reversus est, præcipue
ira commotus ob factam in decimo ar-
ticulo additionem, quod, ne Rex om-
nino præteritus, & a Sociis desertus
videretur, de controversiis, quas cum
Cæsare privatim haberet, quoniam eæ
ad Imperium minime pertinent. liceat
ipsi cum Mauritio agere, ut de iis dun-
taxat per Ferdinandum Regem ad Cæ-
sarem referatur.

Nihilominus Elector Mauricius Epis-
copum utcumque placatum dimisit, ex
ea in primis ratione, quod in certissimum
discrimen, nisi cum Cæsare mature
transegisset, Hassum Socerum adductu-
rus fuisset.

In-

Sæcul. XVI Insuper ipse met Elector, ejusque
A.C. 1552. Socii officiosis omnino literis Regi grates rependebant, quod in Protestantium favorem tam validam eis opem præstisset, ac Cæsarem ad pacem adeo proficuam adegisset, insuper se ab ejus obsequio nullatenus avellendos esse spondebant. Ad hæc Franciæ Rex iisdem ferme verbis respondit, declarans, quod unice ad promovenda Protestantium Principum commoda bellum inchoasset, cum vero ejus auxilio haud ultra indigerent, aliis consiliis intentus esset. Hac ratione, sive quod Rex rebus suis sat idonee a Mauricio privatim cautum esse sciret, sive dolorem adhuc dissimulandum duceret, minime questus obsides, sine ullo offensionis signo salvos in Germaniam remisit.

§. XCV.

Hassiae Landgravius libertati restitutus.

Sleid. comm. Igitur vi Passaviensis foederis Hassiae
l. 24. p. 905. Landgravius, qui Mechliniæ captus
Thu. hist. l. hærebat, die decima tertia Augusti in
10. libertatem asserebatur: cum vero per Mosæ transitum ad sua reverteretur, jussu Mariæ Reginæ, quæ Belgii gubernatrix erat, denuo detinetur, donec, prout dicebat ipsa, de Cæsar's volun-